



La retschertga online vegn fatga en l'entira Svizra per eruir quant cuntentas e cuntents che las utilisadras ed ils utilisaders en cun ils portals d'internet. KEYSTONE

Valitar la purschida online

Il Grischun sa participescha ad ina retschertga online davart la cuntentientscha cun il e-government en Svizra

■ (cc) Il chantun Grischun prenda d'novamain part da la retschertga online che vegn fatga en l'entira Svizra per eruir quant cuntentas e cuntents che las utilisadras ed ils utilisaders en cun ils portals d'internet dals chantuns. Fin la fin da zercladur pon persunas interessadas sa participar a l'enquesta sut www.gr.ch. Quant cuntentas e quant cuntents en las burgaisas ed ils burgais cun ils portals d'internet dals chantuns? L'institut per psicologia da l'Universitad

da Basilea emprova da sclerir questa dumonda. Cun il consentiment dals chantuns fa l'institut – suenter ils onns 2006 e 2008 – ina terza retschertga davart la cuntentientscha en il sector dal e-government en Svizra. Cun il studi duai vegnir erui quant cuntentas e quant cuntents che las utilisadras e ch'ils utilisaders en cun ils portals d'internet da tut ils 26 chantuns svizzers.

Er il chantun Grischun sa participescha a la retschertga online. A par-

tir d'immediat fin la fin da zercladur 2011 han persunas interessadas la pussaivladad da valitar la purschida online dal chantun sut www.gr.ch. Il questunari sa dividea en differents secturs e cuntegna tut en tut 34 dumondas. Ils resultats duain er gidar a meglierar la qualitat da la purschida. Las participantas ed ils participants da la retschertga han la pussaivladad da sa participar ad ina concurrenza e da gudagnar in iPhone 4 u in da diesch iPod Shuffle.